

## Der. v. Tittel des dritten Tractats

**W**o aber der testator gewellen heit/das die güter nach des erben tod/ander swahin solte gevallen/oder der testator ordnete/wen der erb on kind der abstürb/das das güte ander swahin gefallen solt/in denselben zweye fällen/ Ist sach das der erb on kind abstürbt/so sol das erbgüte des testators mit den fruchten/die by des testators tod vorhanden gewesen sind/an die geordneten ort fallen/aber die frucht so milerzit gefallen sind/die ist man nit schuldig zeantworten/ Wer aber der gesetzte erb in den obberürten fällen kind nach sinem tod verlassen/denen blibe des testators erb güte on wytem abfall/an andre ort.

### Der erb so mit restitution

Beschwert ist/magnichts endern.

**W**ir habē onch hierin sonderlich versehen/wen der testator den gesetzten erben bevolhen hat/die erbgüter kurz oder lang/mit fürworten/oder nach des erben tod ander swahin zeantworten/So mag derselb gesetzte erb/desselben güts nichts verkouffen/verpfenden noch verendern/ob er aber milerzit ichts verkouffte oder verenderte/das hat dheim krafft/vn mag der ihen/dem solich erb gehört/so die zit kompt alles dz so verkouffte oder geendert/ald verpfendet wer/fry on alle beladung an sich bringen/vnd erfolgen/ongürt der kouffer/oder der ihenen/die dz verpfendet heit.

### Legata die mit restitution

Beladen sind/mögen nit gemindert werden.

**V**nd die obstende sartzung hat nit allein statt/so erbgüter ander swahin gegeben werden/sonder onch in den sondern legata vnd geschefften so dermaß geschehen/das mā die vff:il vnd tag oder mit fürwout/oder nach tod an andre ort geben solt/dan ob sy milerzit verkouffte/verpfende oder verendert weren/so gilt es nicht wie ob gemelde ist.

### Wen der testator dem erben

bevilhet/die erbgüter so vil übug ist zu antworten.

**W**ere das der testator erben sartzte/vnd bevelhe/was an sinen erbgütern nach der erben tod übug wer/andern personen werde oder an sy fallen zülaffen/so hat der erb gewalt dy teil desselben erbs/vnd nit me in sinen nutz ze behalte/zeverkouffen/vnd damit zu thun als mit sinem eigen